

MAKTABGACHA TA'LIM TARIXI VA FRIDRIX FREBEL YONDASHUVI

Yo'ldashev Axrorjon

Qo'qon universiteti raqamli texnologiyalar va
matematika kafedrasи o'qituvchisi

Tojiddinova Muqaddasxon

Qo'qon universiteti 2-kurs Maktabgacha ta'lism yo'nalishi talabasi

Annotatsiya: Ushbu maqolada maktabgacha ta'lism tizimining tarixi, ilk bolalar bolalar bog'chasining paydo bo'lishi, kimlar bu yo'lda hissa qo'shganliklari, maktabgacha ta'lism sohasining rivojlanishi keng targ'ib etilgan.

Kalit so'zlar: Fridrix Frebel, Maktabgacha ta'lism instituti, mayda matorika, didaktik o'yinlar, maktabgacha tarbiya nazariyasi, F.Frebelning tuhfalari.

Kiriash: Nizom: O'zbekiston Respublikasi prezidentining 2017- 2021- yillarda maktabgacha ta'lism tizimini yanada takomillashtirish chora-tadbirlari to'g'risidagi qaroriga muvofiq Maktabgacha ta'lism tizimini yana takomillashtirish, moddiy texnika bazasini musthkamlash, maktabgacha ta'lism tizimi tarmoqlarini ko'paytirish, ta'lism -tarbiya jarayoniga zamonaviy ta'lism dasturlari va texnologiyalarini tadbiq etish, bolalarni har tamonlama intelektual, axloqiy, estetik va jismoniy rivojlantirish uchun shart sharoitlar yaratish ko'zda tutilgan.

Asosiy qism: XIX asrning ikkinchi yarmi XX asrda Shvetsariya Angliyava boshqa Yevropa mamlakatlarida nemis pedagogi Fridrix Frebelning maktabgacha nzariyasi keng ommalashdi. U ilk bor "bolalar bog'chasi" tushunchasini muomalaga kiritdi.

Fridrix Frebel (1782-1852)ning pedagogik tizimi.

Bolalar bog'chasining paydo bo'lisch tarixi 1837-yilga borib taqaladi, bolalar bog'chasining asoschisi deb taniqli nemis pedagogi Fridrix Frebel hisoblanadi. Aynan u Germaniyaning Bad - Blankenberg shaxrida bolalar uchun tashkil qilingqn muassasasini "bolalar bog'chasi" deb atadi va usgbu atama butun dunyoga umumiy tarzda qabul qilindi. Taxminlarga ko'ra, Frebel bolalarni "Ollohnning ekinlari" deb hisoblagan, ya'ni ular g'amxo'rlik va parvarishga muhtoj o'simliklar bog'i hisoblanadi. Yana bir taxmin shundan iboratki, nemis pedagogi Sorbixdag " Saroy bog'ida" deb nomlangan sobiq mexmonxonada "bolalarniparvarishlash bo'yicha birinchi muassasa"ni ochgan. F.Frebelning katta xizmati bolalar bog'chasining ochilishi, shuningdek, maktabgacha ta'lism uslubiyatining yaratilishi bo'ladi. Shuni takidlash joizki aynan Frebel didaktik o'yinlar tizimini yaratishga ham asos solgan. Olim olib borgan ishlar unda shunday e'tiqodni shakllantirdiki, "bolalar o'yini bu turmush ko'zgusi va ichki olamning erkin namoyishi"dir. Ushbu uslubiyotning asosiy jihatlarini sanab o'taylik: o'yin, nutqni rivojlantirish, jamoaviy tarbiya, mehr-muhabbat bilan o'rab olish, jazolarning yo'qligi va tarixda qolib ketgan "Frebel tuhfalari". F. Frebel 6 ta nomdagi "Tuhfalar"ni taklif etdi: Birinchi tuhfa - bu koptok. Bu birinchi o'yinchoq, chunki sharning burchaklari yo'q, bola uchun qulay.

Material sifatida ko'pincha mayda, yumshoq, jundan to'qilgan shar-koptoklar taklif qilingan. Har bir koptokka ip bog'langan. Bolaga turli rangdagi koptokni ko'rsatish orqali ona uni ranglarini farqlashga o'rgatgan. Koptoklar turli ranglarga bo'yalgan - qizil, yashil, sariq, to'q sariq,

oq, ko'k va binafsha rangli koptoklar bo'lgan. Shar-koptokni turli tomonga: "yuqoriga-pastga", "chapga-o'ngga", "oldinga-orqaga" tebratar ekan, ona harakatlar nomini aytadi va bolani makondagi harakatlar bilan tanishtiradi. Bolani tasdiq va inkor bilan tanishtirish maqsadida ona sharni kaftiga qo'yib, so'ng uni yashirar ekan, "Koptok bor - koptok yo'q" deb aytadi. Ikkinchisi tuhfa - kichik o'lchamli: yog'och kub, shar va silindr bo'lgan. Aniqlik kiritamiz: shar diametri, silindr asosi va kubik tomonlar bir xil. Ularning yordamida bola ashylarning turli shakllari bilan tanishadi. Kubik o'z shakli va barqarorligi bilan sharning aksidir. Shar nemis olimi tomonidan harakatlanish ramzi, kubik esa - barqarorlik ramzi, xilma xillikda yagonalik ramzi hisoblanadi. Shu narsa nazarda tutiladiki, kub yagona, ammo unga qaysi tomonidan qarayotganingizga ko'ra ko'rinishi turlicha bo'ladi: qirrasi, tomoni, uchi bilan. Silindr sharning ham, kubning ham xossalari birlashtiradi: u asosiga qo'yilganda barqaror, yotqizilganda harakatlanadi.

Uchinchi tuhfa - bu 8 ta kubikka bo'lingan kub. Ya'ni, kub o'rtasidan bo'lingan, har bir qismi esa - to'rt bo'lakka. Buning yordamida, Frebelning fikricha, bola butun narsa va uning tarkibiy qismlari haqida tasavvurga ega bo'ladi. Shu tufayli bola o'z ijodini rivojlantirish, kubiklardan narsalar qurish, ularni turlicha kombinatsiyalarga birlashtirish imkoniga ega bo'ladi.

To'rtinchisi tuhfa - bu o'sha o'lchamli kub bo'lib, u 8 ta plitkaga bo'lingan. Ya'ni, kubik o'rtasidan bo'linadi, har bir qismi esa - to'rtta cho'ziq plitkaga bo'linadi. Har bir plitkaning uzunligi kubik tomoniga teng, qalinligi ushbu tomonning to'rtdan bir qismiga teng.

Beshinchisi tuhfa - bu 27 ta mayda kubiklarga bo'lingan kub, ulardan to'qqiztasi yanada mayda bo'laklarga bo'lingan. Oltinchi tuhfa - bu ham 27 ta kubikka bo'lingan kub bo'lgan, ularning aksariyati yana qismlarga: plitkalarga, diagonaliga ko'ra bo'lingan.

Shu tarzda Frebel bo'yicha bolalar bog'chasining maqsadi va tamoyillarini quyidagilar tashkil qiladi: - faoliyatning 3 ta turiga - o'yin, o'quv, mehnatga yo'naltirilganlik; - bola hissiyotlarini rivojiantirish; - bolaning tanasi va ruhini mustahkamlash; - ko'rgazmali usul yordamida tabiat bilan tanishish va dunyoni anglash; - odamlar bilan muloqot qilish; - bolaning tabiiy xislatlarini rivojlantirish; - bolalarga cheksiz mehr-muhabbat ko'rsatish. F. Frebelning ulkan yutuqlari bilan birga, tarixdan ma'lumki, uning pedagogik yondashuvlari K.D. Ushinskiy, E.A. Flyorina, G.N. Vodovozova kabi olimlar tomonidan tanqid qilingan. Frebel nazariyasida kamchiliklar ham bor, va ular, avvalo, quyidagilar: - bolaning bevosita atrofdagi olam bilan tanishuvi «tuhfalar» tizimiga almashtirilgan; - bolaning hayoti didaktik material bilan chegaralanadi; - bolaning hayoti haddan ziyod tartibga solinadi; - bolaning erkin ijodi cheklanadi va h.z. Shunga qaramay, F. Frebel fanga katta hissa qo'shgan, zero u nazariya va amaliyotni birlashtirdi, uning maqsadi - bolaning ijodiy salohiyatini namoyon bo'lishiga ko'maklashadigan sharoitni ta'minlovchi muhitni yaratish bo'lgan. Ayni paytda bu bolada noan'anaviy ijodiy fikrlash qobiliyatini, fantaziyanı rivojlantiradi, masalalarni hal etishga noan'anaviy yondashuvni shakllantiradi. Maktabgacha tarbiya g'oyasini targ'ib etish va bolalar bog'chalarini ommalashtirish yo'lida ulkan ishlarni amalga oshirdi. Olim bolalarning yoshlariga mos ravishda ishlash usullarini ishlab chiqish orqali maktabgacha tarbiya amaliyotini jiddiy boyitdi.

Xulosa:

Ko'plab mamlakatlarda bolalar bog'chalarini maktabgacha tarbiya tizimida yetakchi o'rinni egalladi. F. Frebel maktabgacha tarbiya tarixida birinchi bo'lib ijtimoiy maktabgacha tarbiyaning

yaxlit, uslubiy ishlab chiqilgan, amaliy qo'llanmalar bilan boyitilgan tizimini yaratdi. Maktabgacha ta'lif sohasi vujudga kelishida 1918-yilda Fridrix Frebel kursi qoshida Petrograd Maktabgacha ta'lif institutining tashkil etilishi muhim voqeа bo'ldi. Bu ta'lif maskanida Maktabgacha ta'lif bo'yicha mutaxassis kadrlar tayyorlangan, shu bilan bir qatorda ilmiy-tadqiqot ishlari olib borilgan. 1919-yilda xaql maorifi kommisariyati tomonidan "Maktabgacha ta'lif" bo'yicha butun ittifoq anjumani bo'lib o'tdi. Bunda ijtimoiy Maktabgacha ta'lif sohasini tashkil etish, bola tarbiyasining nazariy-amaliy masalalari o'rinn oladi.

Foydalanilgan adabiyotlar:

1. I.V. Grosheva, L.G.Yevstafeva, D.T.Maxmudova, Sh.B.Nabixanova, S.V.Pak, G.E.Djanpeisova "Ilk qadam" davlat o'quv dasturi T: 2018. 1-81-b;
2. Maktabgacha pedagogika F.R Qodirova, Sh.Q. Toshpo'latova, N.M.Kayumova, M.N.Azamova. "Tafakkur" nashriyoti Toshkent 2019
3. O'zbekiston Respublikasi Prezidentining " Maktabgacha ta'lif tizimini 2017-2021-yillarda yanada takomillashtirish chora-tadbirlari to'g'risidagi PQ-27.07sonli qarori.
4. Yo'ldashev, A., & Solidjonov, D. (2022). YANGI INNOVATSION TEXNOLOGIYALAR VA ULARNI TA'LIM OLISH MUHHITIDA QO'LLANISHI. *Yosh Tadqiqotchi Jurnali*, 1(3), 198-204.
5. Yuldashev, A., & Xusanova, M. (2022). THE ROLE OF STUDENT VOICES IN THE DEVELOPMENT OF INCLUSIVE EDUCATION. *CENTRAL ASIAN JOURNAL OF EDUCATION AND COMPUTER SCIENCES (CAJECS)*, 1(6), 29-32.
6. Toxirjon, U. (2024). PEDAGOGIKA VA PSIXOLOGIYA O'RTASIDAGI O'ZARO TA'SIRNI O'RGANISH. *Integration of Economy and Education in the 21st century*, 2(2), 22-27.
7. Toxirjon, U. (2024). BOSHLANGICH SINFLARDA O 'QISHNI YETKAZIB OLISHGA QIYNALAYOTGAN O 'QUVCHILAR BILAN ISHLASHDA INTERFAOL USULLARDAN FOYDALANISH. *Integration of Economy and Education in the 21st century*, 2(2), 9-13.
8. Умаров, Т. (2024). ВЛИЯНИЕ СОВРЕМЕННЫХ ИГРУШЕК НА ДЕТСКУЮ ПСИХОЛОГИЮ. *Integration of Economy and Education in the 21st century*, 2(2), 18-21.
9. Axrorjon, Y. L. (2023). MAKTABGACHA TA'LIM TASHKIOTLARIDA ZAMONAVIY TEXNOLOGIYLARDAN FOYDALANIB SAMARALI MASHIG 'ULOT O 'TISHNING AVFZALIKLARI. *QO'QON UNIVERSITETI XABARNOMASI*, 149-150.
10. Yo'ldashev, A. (2022). TA'LIMDA SUNIY INTELLEKTNING IMKONIYATLARI. *Academic research in educational sciences*, 3(11), 726-729.